



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 73. Saxoniae Electoris, necnon Hassiae Landgravii postulata in Comitibus.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæc. XVI.  
A.C. 1526.

„ & Cæsarem arctior adhuc vigebat a-  
„ micitia, nunc vero cum hi inter se col-  
„ liduntur, penitus præcisa est hæc spes,  
„ hinc consultius fore censemus, si ad  
„ Cæsarem nonnulli ablegentur, qui  
„ eundem de præsentis Germaniæ statu  
„ edocerent, eique periculum expone-  
„ rent, in quod Imperium conjecturus  
„ esset, si Wormatiensis edicti execu-  
„ tioni insistere vellet; hi insuper Im-  
„ peratorem rogarent, quatenus Natio-  
„ nale Concilium congregare permit-  
„ teret, ut hac via dissidia tolli, malis-  
„ que Germaniæ impendentibus reme-  
„ dium objici possit. „

## §. LXXIII.

*Saxonice Electoris, necnon Hassiæ  
Landgravii postulata in  
comitiis.*

Altera die Saxonice Elector, & Hassiæ  
Landgravius postulabant. *I. Mendicantium Monachorum invalescere Ordines, salutari proin remedio obstandum, ne ad posteror ejusmodi sodalitia propagentur: liceret etiam illis ad aliud vitæ genus transire. II. Minus æquum esse, ut vectigalibus omnino Ecclesiastici non tenerentur, eorum igitur privilegiis derogandum. III. Ridiculum videri ciborum delectum. IV. Cuilibet liberum sit ritus sequi, quos velit; tolere-*

toleretur etiam in omnibus locis Evangelicæ <sup>Sæc. XVI.</sup>  
 doctrinæ prædicatio. Addebant insuper <sup>A. C. 1525.</sup>  
 ambo Principes, ipsis omnino denegari  
 non posse templum, in quo suis sacris  
 & Concionibus uti libere valeant. At-  
 tamen ceteri in Comitibus congregati  
 eos ad Episcopum Spirenses, qui ex  
 Palatina domo erat, remittebant, is ta-  
 men illorum postulatis cedere renue-  
 bat. Hi repulsam indignati jusserunt  
 Concionatores suos, ut in atriis ædium  
 suarum publice ad populum dicerent, ac  
 Sacris juxta Lutheranorum ritum ope-  
 rantur. Ingens erat ad ejusmodi ser-  
 mones populi concursus; confluebant  
 enim Catholici rei novitate pellecti, Lu-  
 therani vero sectam profitendi studio  
 animati. Nec ipse Magistratus novis  
 ejusmodi ausibus sese opponere præsu-  
 mebat. Narrat insuper Cochlæus, quod  
 data opera, ut complures allicerentur ad  
 eorum hæresin, in ferculis portatæ fuerint  
 aperte carnes coctæ in feriis sextis, aliisque  
 diebus jejunii per atrium ad mensam horum  
 Principum, in Ecclesie & Catholicorum  
 despectum; quod etiam eorum famuli petu-  
 lanter jactaverint verbum Domini, & in  
 dextera manica vestimenti gestaverint initia-  
 les literas latinas horum verborum: VER-  
 BUM DOMINI MANET IN Æ-  
 TERNUM. Hac petulantia adeo ce-  
 terorum exasperabantur animi, ut om-

Sæc. XVI.  
A.C. 1525

nes consultationes in hisce comitiis cæptæ interrumpere, nihilque propius videretur, quam bellum civile.

## §. LXXIV.

*Duo libelli Lutheri in his comitiis in populum divulgati.*

*Cochl. l. cit.*  
*p. 148.*

Præterea Lutherani per totam civitatem studiose circumferebant in hisce comitiis duos Lutheri libellos mole sua quidem exiguos, veneno tamen, quod latebat, perquam grandes. Horum alter erat sermo Lutheri *de destructione Jerusalem*. Alter amarulentam continebat epistolam ejusdem hæretici, qui ficto nomine sese *Argyrophylacem*, seu thesaurarium nominabat. Ambo Libelli eo unice collimabant, ut plebi veteris Religionis odium, novæque sectæ amorem instillarent; unde non pauci a vera fide abducebantur.

Lutherus in postremo hoc libello sermonem ad Principem convertens, *sæpe mecum*, inquit, *mirari soleo, Illustrissimi Principes, quod nonnulli vestrum tam atrociter in eos, quos hæreticos vocant, sæviant, ut propter quæstiones, opinionisque quasdam de Religione in homines alioquin innocentes, exiliis, bonorum direptionibus, gladio, aqua, & igni animadvertere non reformident. Si autem in vos, aut in Rempublicam*